



Sastanak dužnosnika na ministarskom nivou

Zaključci

Ponedjeljak, 18. mart 2024.godina
Visoko sudsko i tužilačko vijeće BiH, Sarajevo

Žalbeni postupak

1. Podržavaju se aktivnosti VSTV-a BiH poduzete u cilju unapređenja efikasnosti i kvaliteta žalbenog parničnog postupka. Nakon dostavljanja inicijative za reformu, ministarstva pravde će pristupiti razmatranju potrebnih izmjena i dopuna zakona o parničnom postupku i drugih predloženih mjera.

Izvršni postupak

1. U svrhu efikasnog provođenja izvršenja i osiguranja veće naplate potraživanja tražioca izvršenja, potrebno je unaprijediti postupak prikupljanja podataka o imovini izvršenika tokom izvršnog postupka i osigurati sve neophodne uslove da se razmjena podataka obavlja elektronskim putem, povezivanjem IT sistema sudova sa bazama kontrolora podataka uz hitno usvajanje zakonskih i podzakonskih propisa.
2. Potrebno je da institucije sa svih nivoa vlasti u skladu sa svojim nadležnostima poduzmu sve mjere da se rad izvršnih odjeljenja unaprijedi, a posebno status i položaj sudskih izvršitelja. Neophodno je da se uvede edukacija za sudske izvršioce koja će biti obavezna za sve sudove, a sve u cilju efikasnijeg provođenja izvršenja i povećanja naplate tražioca izvršenja. U tom smislu neophodno je da ministarstva pravde na svim nivoima u skladu sa svojim nadležnostima osiguraju finansijska sredstva kako bi se izvršni postupak unaprijedio i samim tim povećalo zadovoljstvo i povjerenje građana u pravosudni sistem u BiH.

Reorganizacija poslovnih procesa u sudovima

1. S ciljem stvaranja održivih uslova rada u sudovima i poboljšanja efikasnosti cjelokupnog pravosudnog sistema, VSTV BiH i predstavnici ministarstava pravde će nastaviti aktivnu saradnju na ispunjenju aktivnosti Radne grupe za unapređenje poslovnih procesa i to:
 - davanje saglasnosti na izmjene Pravilnika o unutrašnjoj organizaciji i sistematizaciji radnih mjesta s ciljem sistematizacije pozicije „stručni saradnik

- za pružanje pomoći sudijama
- osiguranje finansijskih sredstava za popunjavanje pozicije „stručni saradnik za pružanje pomoći sudijama“.
 - iniciranje izmjena zakonskih i podzakonskih propisa s ciljem ujednačavanja terminološkog i radnopravnog statusa pripravnika u pravosudnim institucijama, radi osiguranja uslova za izgradnju budućeg kadra nosilaca pravosudnih funkcija.
 - jačanje stručnih i finansijskih kapaciteta sudskih asistenata/daktilografa s ciljem uspostavljanja inovirane uloge sudskih asistenata koja prati procese modernog poslovanja.